VOLUME 2 / ISSUE 12 / UIF:8.2 / MODERNSCIENCE.UZ

YOZMA MATBUOTNING IJTIMOIY HAYOTIMIZDAGI AHAMIYATI

Joʻrayeva Maqsuda Muhammadovna

f.f.f.d., PhD.

Buxoro davlat universiteti Fransuz filologiyasi kafedrasi oʻqituvchisi m.m.jurayeva@buxdu.uz

Xayrullayeva Umida Asqar qizi

Buxoro Davlat universiteti Xorijiy tillar fakulteti Tarjima nazariyasi va amaliyoti (Fransuz tili) ta'lim yoʻnalishi 4-kurs talabasi

xayrullayevaumida89@gmail.com

https://doi.org/10.5281/zenodo.10427241

Annotatsiya. Matbuot - ommaviy axborot vositalari bu mamlakatning to`rtinchi hokimiyati ekanligi ta`kidlanadi. Yozma matbuotning o`tkirligi, tezkorligi hamda aniqligi jamiyat hayotining ajralmas muhim qismi hisoblanadi. Mazkur maqolada ushbu masalalar bayoni keltiriladi.

Kalit so'zlar: Matbuot, OAV, metod, tahrir, ma`lumot.

THE IMPORTANCE OF THE WRITTEN PRESS IN OUR SOCIAL LIFE

Abstract. It is noted that the press and mass media are the fourth power of this country. The sharpness, speed and accuracy of the written press is an integral and important part of the life of the society. This article describes these issues.

Key words: Press, mass media, method, editing, information.

ЗНАЧЕНИЕ ПИСЬМЕННОЙ ПРЕССЫ В НАШЕЙ ОБЩЕСТВЕННОЙ ЖИЗНИ

Аннотация. Отмечается, что пресса является четвертой властью страны. Острота, скорость и точность печатной печати являются неотъемлемой и важной частью жизни общества. В этой статье описаны эти проблемы.

Ключевые слова: Пресса, средства массовой информации, метод, редактирование, информация.

XXI asr jahon hamjamiyati tomonidan "axborot kommunikatsiyalari asri" deya e'tirof etilmoqda. Bunday sharoitda bilim, axborotga egalik ishlab chiqarish va iqtisodiy aloqalar ustidan hukmronlik qilish imkonini beradi. Kompyuter madaniyatining kirib kelishi tufayli insonning o'z ustida ishlashiga, o'z malakasini oshirishga intilishiga asoslangan fikrlashning, bilim olishning yangi ko'rinishi yuzaga keldi.

Axboriy jamiyatni shakllantirishning ilk rejasi 1971 yilda Yaponiyada kompyuter texnikasini tarqatish va joriy etish instituti tomonidan ishlab chiqilgan hamda "Axboriy jamiyatni barpo etish – 2000 yilgacha moʻljallangan milliy maqsad" deb nomlangan. Uning asosida yapon olimi I.Masudaning ijtimoiy evolyusiyaning yakuniy maqsadi moddiy toʻkin- sochinlik yaratilgan jamiyat emas, balki insonning aqliy qobiliyat va imkoniyatlarining toʻla namoyon etilishini ta'minlaydigan jamiyatni shakllantirish boʻlishi kerak, degan gʻoyasi yotardi. Bunda yangi

¹ F.Mo'minov. "Jurnalistika ijtimoiy institut sifatida", T.: "Universitet", 2018

VOLUME 2 / ISSUE 12 / UIF:8.2 / MODERNSCIENCE.UZ

axborot texnologiyalari jamiyatni boshqarishda ham asosiy rolni bajaradi.

Jamiyat hayotiga kompyuterning keng darajada kirib kelishi fuqarolarga axborot olishga boʻlgan imkoniyatlar eshigini ochib berdi.

Inson huquqlari umumjahon deklaratsiyasida har bir inson oʻz fikr va qarashlariga ega boʻlish hamda ularni erkin bayon etishga haqli ekanligi aks ettirilgan. Ushbu huquq oʻz qarashlariga sodiq qolishga toʻsqinlik qilmasligi, axborot, gʻoya hamda qarashlarni davlat chegaralaridan qat'i nazar barcha vositalar bilan izlash, olish va tarqatish erkinligini kafolatlaydi. Shunday qarashlar Oʻzbekiston Konstitutsiyasida, "Axborot olish kafolatlari va erkinliklari toʻgʻrisida"gi, "Vijdon erkinligi toʻgʻrisida"gi va boshqa qator qonunlarda ham bayon etilgan.

Fuqarolik jamiyatini barpo etishning va oʻz-oʻzini boshqaruvni rivojlantirishning yoʻnalishlaridan biri sifatida amaldagi axborot mexanizmini, jumladan, ommaviy axborot vositalarini takomillashtirish nazarda tutiladi.

Oʻzbekistonda fuqarolik jamiyatini barpo etish jarayonlariga xizmat qiladigan erkin muloqot usullari va an'analari bor. Ulardan biri sifatida toʻgʻridan-toʻgʻri efirni hamda Internetdagi elektron ommaviy axborot vositalarini keltirib oʻtish mumkin:

"Fuqarolik jamiyati shakllanishi jarayonida ommaviy axborot vositalari oʻz-oʻzini boshqarishning tarkibiy qismlaridan biriga aylanib boradi. Shu bois ma'lum hududda yashovchi fuqarolarning toʻgʻridan-toʻgʻri efirda, elektron va davriy bosma matbuot orqali oʻz fikrlarini, qarashlarini bayon etishlari, muloqotga, munozaraga kirishishlari odatiy va doimiy holatdir".²

Demak, bu oʻrinda yozma matbuot asosiy ijtimoiy institut sifatida maydonga chiqib, turli sohalarda amalga oshirilayotgan islohotlarning yutuq va kamchiliklarini yoritish orqali jamiyat hayotini boshqarishda faol ishtirok etadi.

Yozma matbuot jamiyat hayotining barcha sohalarida birdek ishtirok etadi. Shu bois, uning ijtimoiy institut sifatidagi rolini ham jamiyatdagi iqtisodiy, siyosiy, ma'naviy-ma'rifiy va gʻoyaviy, ijtimoiy jarayonlardan ayricha tasavvur etib boʻlmaydi.

Agar boshqa ayrim yoʻnalishlarda yozma matbuotning axborot berish vazifasi birinchi oʻringa qoʻyilmasa, ijtimoiy sohada axborot vositasi sifatidagi roli asosiy oʻrin tutadi. Bundan koʻrinadiki, matbuotning axborot-kommunikatsiya roli jamiyat a'zolari tomonidan oʻz oʻrni va vazifalarini anglanishiga, ijtimoiy tizimning barcha elementlari kelishuvi va barqarorligi hamda oʻzaro munosabatlariga yordam beradi.

Shunday ekan, oʻzaro muloqotda tahririyatlar faqatgina axborotlarni yetkazib berishda vositachi vazifasini bajaradi, deganlar yanglishadi. Tahririyatda voqea-hodisalar, yangliklarni tanlab, ularning mazmunini buzmagan holda tahrir va tahlil etish vakolati mavjud. Bundan koʻrinadiki, xabar, maqola, reportaj yoki boshqa janrda yozilgan material qahramonining obroʻe'tibori, kelajagi, odamlarning unga munosabati yoki jamiyat a'zolarida ma'lum bir voqeahodisaga nisbatan shakllanadigan munosabatning qanday boʻlishi koʻp jihatdan jurnalistning oʻz vazifasiga sidqidildan yondashuviga bogʻliq boʻladi. Agar u butun jamiyat manfaat va intilishlaridan kelib chiqmasa, aksincha, ma'lum bir guruhlar manfaati nuqtai nazaridan voqeahodisalarni yoritsa, tayyorlangan axborot noxolis boʻlishi mumkin.

_

² S.G.Korkonosenko. "Jurnalistika asoslari", Moskva-2012.

VOLUME 2 / ISSUE 12 / UIF:8.2 / MODERNSCIENCE.UZ

"Axborot-kommunikatsiya rolining samarasi nuqtai nazaridan matbuot xabarlari mazmunini har tomonlama tahlil etish lozim boʻladi. Bunda mavzu doirasiga, axborot manbalariga, qahramon va mualliflariga, materiallar geografiyasiga e'tibor qaratish kerak".³

Yozma matbuot jamiyatni boshqarish, nazorat qilish va oʻz-oʻzini boshqarish jarayonlarida ishtirok etar ekan, muvofiqlashtiruvchi, boshqaruvchi vazifasini bajaradi.

Ta'kidlash joizki, g'oyaviy nuqtai nazardan yozma matbuot ma'naviy qarashlarni yetkazib beruvchi, targ'ib etuvchi hisoblanadi. U jamiyat a'zolarining ongida ma'lum bir qadriyat, urf-odat, an'ana, munosabat, axloqiy-ma'naviy va badiiy-estetik qarashlar shakllanishiga xizmat qiladi.

Yozma matbuotning ijtimoiy institut sifatidagi vazifalarini quyidagicha tasniflash mumkin: Targʻibot. U lotincha "propaganda" soʻzidan olingan boʻlib, "tarqatish" degan ma'noni anglatadi. Jurnalistik targʻibot jamiyat a'zolari ongiga ta'sir etishga yoʻnaltirilgan boʻladi.

Agitatsiya. Lotincha "agitatio" soʻzidan olingan boʻlib, "harakatga keltirish" degan ma'noni bildiradi. Biror bir xatti-harakatni amalga oshirishga chaqirish, taqlid qilish, ergashish uchun namuna, ma'naviy ragʻbat vositasini koʻrsatish, yaratish orqali auditoriya ongiga ta'sir etish agitatsiyaning asosini tashkil etadi. Agitatsiya nazariy umumlashmalarning kamligi, manbalar va materiallarning aniqligi, tezkor yetkazib berilishi bilan targʻibotdan ajralib turadi.

Albatta, "Ijtimoiy taraqqiyotning ulkan harakatlantiruvchi kuchi hisoblangan jamoatchilik fikri shakllanishida matbuotning oʻrnini rad etib boʻlmaydi. Ammo matbuotning ommaviy ongni tashkil etuvchi barcha elementlar, uning turlicha koʻrinishlari, shuningdek, ijtimoiy amaliyot bilan bevosita aloqada boʻlishini ham unutmaslik kerak. Aynan, amaliyotda, aholi va alohida olingan odamlarning xatti-harakatlariga ta'sir ma'nosida jurnalistlarning faoliyati kerakli natijani beradi.

Muallif turli ziddiyatlar avj olgan zamonda oʻzini oʻzi boshqaruvchi ommaviy axborot kommunikatsiyalar jamoasi, ya'ni yangicha madaniy qarashlar jamiyati paydo boʻlishini, bunda jurnalistikaning roli alohida boʻlishini ta'kidlaydi".⁴

Darhaqiqat, yozma matbuotda auditoriyaga ta'sir etish usullari haqida gap ketar ekan, muloqot koʻnikmalarini rviojlantirish masalasiga ham toʻxtalib oʻtmoqchimiz. Chunki har kuni turli kasb, turli yoshdagi, turlicha dunyoqarashga ega boʻlgan odamlar bilan muloqot qilish jarayonida jurnalistning kasbiy malakasi va psixologik qarashlari oʻzgarib, boyib boradi. Bugungi kunda yozma matbuot auditoriyaga ta'sir koʻrsatish orqali jamiyatni boshqarayapti, deb ham aytish mumkin. Bu esa oʻz oʻrnida matbuotchi zimmasiga ulkan mas'uliyat yuklashi tabiiy.

Jurnalist material tayyorlash jarayonida, ayniqsa, intervyu olish vaqtida asosiy e'tiborni suhbatdoshiga qaratib, uning ruhiy holatini diqqat bilan kuzatib borishi lozim. Afsuski, ayrim hollarda jurnalistlarda oʻziga yuqori baho berish - egosentrizm holatlari kuzatiladi. Bularning barchasi auditoriyaga ta'sirning salbiy koʻrinishiga olib kelishi mumkin.

Bugungi kunda barcha yetakchi mutaxassislar matbuotchi auditoriyaning har bir a'zosiga murojaat etish, uning ongiga, ruhiyatiga ta'sir qilish orqali butun jamiyatga ta'sir etishi kerak, - degan fikrdalar. Binobarin, jurnalist butun jamiyatga ma'naviy-axloqiy ko'rsatmalar beruvchi,

³ A. M. Vorobev. "Ommaviy axborot vositalari fuqarolik jamiyatini shakllantirish omili sifatida", Ekaterinburg-2011.

⁴ A. A. Grebelshchikov. "Jurnalistning matbuotdagi faoliyati", M.-2021.

VOLUME 2 / ISSUE 12 / UIF:8.2 / MODERNSCIENCE.UZ

jamiyat ruhiyatiga tashhis qoʻyuvchi, uni yaxshiliklarga ragʻbatlantiruvchi, undovchi vazifasini oʻtaydi.

Yozma matbuotda fikrni shakllantirish OAVning asosiy vazifasi - jamoatchilik ongiga ta'sir etish va uni shakllantirishdan keyin ikkinchi oʻrinda turadi. Shunday qilib, zamonaviy jurnalistikaning bosh vazifasi odamlarda fuqarolik jamiyati talablariga javob beradigan, jamiyatni demokratlashtirish va bozor iqtisodiyoti munosabatlari talablaridan kelib chiqadigan ijtimoiy-psixologik sifatlar, qarashlar va ishonchni shakllantirishdan iboratdir. Bugungi kunda respublikamizda ommaviy axborot vositalari faoliyatiga aloqador boʻlgan qator qonunlar amal qilmoqda. "Ommaviy axborot vositalari toʻgʻrisida"gi, "Axborot erkinligi prinsiplari va kafolatlari toʻgʻrisida"gi, "Reklama toʻgʻrisida"gi, "Mualliflik huquqi va turdosh huquqlar toʻgʻrisida"gi, "Axborot olish kafolati va erkinliklari toʻgʻrisida"gi Qonunlar shular jumlasidandir.

Bu qonunlarning har birida jurnalistik faoliyatning huquqiy maqomi belgilab berilgan. Jumladan, "Ommaviy axborot vositalari to'g'risida"gi Qonunda ommaviy axborot vositasini tashkil etish, ro'yxatga olish tartiblari, faoliyat usullari, huquq va majburiyatlari kabi masalalar aks etgan. "Axborot olish kafolati va erkinliklari to'g'risida"gi Qonun esa fuqarolarning, xususan, matbuot xodimining axborot olishdagi huquq va burchlari, majburiyatlari, so'rov bilan murojaat etilayotgan idoralarning tegishli axborotni taqdim etishdagi majburiyatlari kabilar bayon etilgan.

Xulosa qilib aytganda, yozma matbuotning vazifasi jamiyatning, insonning manfaat va qiziqishlari, ijtimoiy taraqqiyot maqsadlaridan kelib chiqib, amaliyotga qayta oʻzgartiruvchi, qayta tashkil etuvchi ta'sir koʻrsatishda namoyon boʻladi.

REFERENCES

- 1. F.Mo'minov. "Jurnalistika ijtimoiy institut sifatida", T.: "Universitet", 2018
- 2. S.G.Korkonosenko. "Jurnalistika asoslari", Moskva-2012.
- 3. A. M. Vorobev. "Ommaviy axborot vositalari fuqarolik jamiyatini shakllantirish omili sifatida", Ekaterinburg-2011.
- 4. A. A. Grebelshchikov. "Jurnalistning matbuotdagi faoliyati", M.-2021.
- 5. Жўраева, М. (2023). ГАЗЕТА ВА УНИНГ САРЛАВХАЛАРИДАГИ ЎЗИГА ХОС ХУСУСИЯТЛАР. GOLDEN BRAIN, 1(7), 87-95.
- 6. Жўраева, М. (2022). POUR UNE ANALYSE FONCTIONNELLE ET DISCURSIVE DES TITRES DE LA PRESSE FRANCAISE. Educational Research in Universal Sciences, 1(7), 422-428.
- 7. Maksouda, Jurayeva. "Discursive Presentation of Information in the Headlines of Modern French Newspapers." *International Journal on Orange Technologies* 4.3 (2022): 5-10.
- 8. Jurayeva, M. M. "J'aime lire» et «Je bouquine»." *Qiyosiy adabiyotshunoslik chog'ishtirma tilshunoslik va tarjimashunoslik: muammo, yechim va istiqbollar. Ilmiyamaliy konferentsiya.—Buxoro* (2021): 337-342.
- 9. Kuldashova, N. B. "National and cultural features of sports terminology in French and Uzbek." The dissertation submitted for the degree of PhD. B (2020): 1-148.